

Celebracion Fiesta di Corpus Christi

Corpus Christi ta e fiesta di e Curpa y Sanger di Cristo, di e presencia real di Cristo den Eucaristia. E ta un fiesta cu ta wordo celebra desde siglo XIII.

Cu e fiesta aki nos ta conmemora e institucion di e Santa Eucaristia riba Diahuebs Santo y nos ta duna tributo publico y solem di adoracion, amor y gratitud.

E ta un fiesta hopi importante, ya cu Eucaristia ta e regalo di mas grandi cu Dios a duna nos pasobra E tabata desea di keda cu nos, tambe despues di Su Ascension na shelo.

E aña aki diferente parokia di Aruba lo celebra Corpus Christi na un manera special.

Santo Sacrificio di Misa na Aruba Entertainment Center

Fiesta di Corpus Christi lo ta e aña aki riba diadomingo 7 di juni. Riba e fecha aki lo celebra un Santo Sacrificio di Misa solem pa 8'or di mainta na Aruba Entertainment Center.

Procesion di Aruba Entertainment Center pa Plaza Libertador Betico Croes

Despues di Santo Sacrificio di Misa lo sali den procesion

cu Santisimo cantando canticanan di alabanza y haciendo oracion.

Durante e procesion lo bishita 4 diferente altar na unda lo rindi homenahe na Santisimo pa medio di lectura, oracion y canto.

E prome altar lo ta na hogar di famia Riley den Avenida Milio J. Croes.

E siguiente altar lo ta na hogar di Sra. Digna Lacle na George Madurostraat number 24, e di tres lo ta na hogar di famia Frias den Vondellaan y e ultimo altar lo ta ariba Plaza Libertador Betico Croes.



Ruta di Procesion

Ta sali for di Aruba Entertainment Center y ta bay via Avenida Milio Croes te na e rotonde na final di Avenida Milio Croes. Aki ta bay direccion pazuid via Vondellaan te na Plaza Libertador Betico Croes (altar 4). Aki e Procesion ta termina.

Henter pueblo di Aruba ta cordialmente invita pa participa na e Celebracion di Corpus Christi, diadomingo 7 di juni 2015 pa 8'or di mainta na Aruba Entertainment Center. Na e parokianan cu ta participa tin un T-shirt na benta pa 10 florin specialmente pa e celebracion special aki. □